 <p>HÁSKÓLI ÍSLANDS</p>	<p style="text-align: center;">VERKLAGSREGLUR</p> <p style="text-align: center;">um greiðslur vegna aukastarfa innan Háskóla Íslands sem kostuð eru af öðru fé en opinberum fjárveitingum til Háskóla Íslands</p>	<p>Bls. 1 af 2</p> <p>Ábm. GRJ/GME/JBJ/ÞK Samþ. í háskólaráði 3. júní 2010 Endursk. 6. júní 2019 Málsnr: HÍ19060031</p> <p>Ábyrgð á framkvæmd og eftirfylgni: Forsetar fræðasviða Sviðsstjóri fjármálasviðs Sviðsstjóri mannaússviðs</p>
----------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------

1. Gildissvið

Verklagsreglur þessar taka til starfsmanna Háskóla Íslands (að teknu tilliti til starfshlutfalls) eða félaga sem þeir eiga verulegan hlut í, eða hagsmuni hjá, vegna verkefna við kennslu, þ.m.t. endurmenntun, rannsóknir, þjónustu og stjórnun, sem unnin eru á vegum fræðasviða, deilda eða stofnana háskólans.

2. Meginregla

Fastir starfsmenn HÍ skulu ekki einnig vera verktakar við háskólann. Vegna hugsanlegra hagsmunaárekstra er Háskóla Íslands óheimilt að kaupa af starfsmönnum, félögum sem starfsmenn Háskóla Íslands eða fjölskyldumeðlimir þeirra eiga verulegan hlut í, þjónustu á starfssviði viðkomandi starfsmanns, þ.m.t. kennslu og rannsóknir. Til kennslu telst auk kennslunnar sjálfrar, undirbúningur kennslu og prófa.

Rektor Háskóla Íslands getur þó ákveðið að veita undanþágu frá ofangreindu, ef hann telur, að fenginni rökstuddri tillögu forseta viðkomandi fræðasviðs, að sérstakar aðstæður eða atvik séu fyrir hendi, sem mæla með því að Háskóli Íslands geri sérstakan verk- eða þjónustusamning við framangreinda aðila. Slík undanþága kemur eingöngu til greina ef fullreynt er að ekki er um aðra valkosti að ræða til að framkvæma megi viðkomandi verkefni og jafnframt liggi fyrir að það samræmist reglum viðkomandi styrktarsjóða.

3. Útböð

Verktakavinnu og innkaup ber að bjóða út ef áætlaður kostnaður fer umfram tilgreint hámark. Sviðsstjóri fjármálasviðs fer yfir kostnaðaráætlanir og alla reikninga vegna verktöku.

Farið er eftir fyrirmælum laga og reglna um opinber innkaup.


4. Samningar um námskeið og námsleiðir í endurmenntun sem er á faglegri ábyrgð deilda

Háskóli Íslands og einstakar stofnanir hans semja eingöngu við viðurkennda háskóla um að sjá um nám eða námshluta á háskólastigi sem er á faglegri ábyrgð deilda Háskóla Íslands. Slíka samninga er ekki heimilt að framselja til þriðja aðila.

5. Greiðslur vegna aukastarfa

Kennara er heimilt, að fengnu samþykki forseta fræðasviðs, að sinna þjónustukennslu/-vinnu á vegum Endurmenntunar eða annarra stofnana háskólans. Heimildin er háð því að viðkomandi uppfylli starfsskyldur sínar við HÍ með viðunandi hætti, þ.e. uppfylli kennsluskyldu sína og sinni stjórnunarstörfum eftir því sem við á.

Leyfilegt árlegt hámark á umfangi slíkrar þjónustukennslu/-vinnu er háð fjölda rannsóknastiga viðkomandi að meðaltali undanfarin 3 ár sem hér segir:

 <p>HÁSKÓLI ÍSLANDS</p>	<p>VERKLAGSREGLUR</p> <p>um greiðslur vegna aukastarfa innan Háskóla Íslands sem kostuð eru af öðru fé en opinberum fjárveitingum til Háskóla Íslands</p>	<p>Bls. 2 af 2</p> <p>Ábm. GRJ/GME/JBJ/ÞK Samþ. í háskólaráði 3. júní 2010 Endursk. 6. júní 2019 Málsnr: HÍ19060031</p> <p>Ábyrgð á framkvæmd og eftirfylgni: Forsetar fræðasviða Sviðsstjóri fjármálasviðs Sviðsstjóri mannauðssviðs</p>
----------------------------------------------------------------------------------------------------------	-------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------

Fjöldi stiga	Þús. kr.	Fjöldi stiga	Þús. kr.
0-7	500	12	3.000
8	1.000	13	3.500
9	1.500	14	4.000
10	2.000	15	4.500
11	2.500	>=20	5.000

Framangreind heimild er til viðbótar við núgildandi kjarasamninga. Miðað er við að greitt sé fyrir vinnu á yfirvinnutaxta skv. kjarasamningi viðkomandi kennara. Launatengd gjöld eru ekki innifalin í framangreindum tölum. Minnt er á ákvæði í 3. gr. reglna Háskóla Íslands nr. 605/2006 um starfsskyldur kennara og sérfræðinga við Háskóla Íslands um breytilegar starfsskyldur sem valkost fyrir þá sem vilja auka kennsluskyldu á kostnað rannsóknaskyldu.

Starfsmenn í stjórnarsýslu og stoðþjónustu sem vilja taka að sér verkefni innan háskólans, sem eru utan aðalstarfs þeirra, skulu gera um það skriflegt samkomulag við sinn yfirmann. Samþykki yfirmanns er háð því að starfsmaðurinn sýni fram á að hann muni sinna að fullu starfsskyldum sínum í aðalstarfi og að fjarvera hans á dagvinnutíma vegna aukastarfsins sé skráð. Samkomulagið skal tilkynnt stjórnarsýslu viðkomandi fræðasviðs.

6. Skráning

Mannauðssvið heldur sérstaka skrá um veittar heimildir og um fjárhæðir sem um ræðir.

7. Gildistaka

Verklagsreglur þessar taka gildi 1. júlí 2010.

8. Endurskoðun

Verklagsreglur þessar verða endurskoðaðar tveimur árum eftir gildistöku þeirra.